

ՅԱԻՈՒՐ ԱՍՏՈՒԱԾԱՀՐԱՇ ՀԱՆԴԻՍԻ

ՇՆՈՐՀԱԶԵՂ ՕԾՄԱՆ

Ի Ս . Ք Ա Հ Ա Ն Ա Յ Ո Ւ Թ Ի Ի Ն

ՀՈԳԵԿՑՈՐԴ ԵՂԲԱՐՑ ԼԶ . ԴԱՍՈՒ

Պ. Հ. ԱՂԵՔՍԱՆԴՐԻ - Պ. Հ. ԳԵՈՐԳԱՅ

Ի ԲԵՐԿՐԱԳԻՆ ՍՐՏԷ

ՅՈՐԴԵՌԱՆԴԻՆ ՄԱՂԹԱՆՕՔ ՆՈՒՐԵԱՒ

ԱՐԶԱՆ ՅԻՇԱՏԱԿԻ



Տ Ա Ղ



ՅՔ քան զերկիրս թռանին վերճեմ անդր ի վեր,
ԶԲՆՂ զաթոռով անմահ Արփույն անրատուեր.
Նուրբ ի ճանանչս ի բոց շողան բիրբ աստեղց
Ըզգահոյիւք փառաց Էին անըստեղծ:
Հընչեն փողարք լուսաթևք,
Յընձան զուարթունք ի կայտիռ.
Յանդունդս ի թուխ սատանք, դէք
Ի կանչ ի կոծ կան յայթիռ:



Անդր ի դարբը մատչին վեհ դասք սրովբէից
Ի խինդ, յաւին սուրբ և ի լոյս, յերգ ամբիծ.
Եւ յաղօթից ի քաղցր աւաչ լուսազգեաց
Զօրհնիս հայցեն ընդ զոյգ Օձեալս Աղանեաց:

Իբր ըզծաղկունս թոյր ի թոյր
Այգուն ի ցօղ զեղափայլ,
Կըկչին՝ դ աշերս համասփիւռ
Յանոյշ ի բոյր հոգեզմայլ:



Ի գանգ ի դորդ հընչեն զըմբէթըն դրախտին,
Ու ի ձայն երգոց վառին հոգիք անդրատին.
Անդ լուսարփին մեր Մըխիթար Սերաստեան
Խալտայ 'նդ որդիս նոր Պաշտօնեայս երգարան:
Յածնուն կոհակք ալեսաստ
Ի նիշ բարեաց յորդառատ.
Յառնեն արփիք բարեբաստ
Շնորհաց ի ցոլս անարատ:



Որ զհետ փըրկչին սլանայք յօթար պերճ ի զարդ
Ի կուռ վառուած, ի վերտ ոսկի, ու ի սաղուարտ,
Բանիցդ ի սաստ սանդարք ի դոռթ մոլեգին
Խոյս տացեն 'դ հուպ ի խինձ ի ծերպս առ աշին:
Ընդ Ձեզ ի խոյր խաչապսակ
Ինքըն ֆրիստոս կենսաշնորհ,
Ու ի խուրձ շանթից լուսարձակ
Կացցէ համհարզ գերազօր:



Բաստ երջանիկ, շընորհասփիւռ, լուսածնունդ,
Որ պարարեալ զոգիսդ մեղուացն ի սընունդ՝
Ի լոյս ընդ ամպս եկիք ընդ Սուրբ Տիրամօր
Իբր ըզպայծառ պերճ արուեսակ լուսաւոր:
Ընդ հովանեաւ մայրախնամ
Կացչիք, Եղբարք, յար անքոյթ.
Ձեզ առաջնորդ դո՛ւն վարսամ
Ընդ աստղակուռն ի կապոյտ:



Այլ մոլեխանձ մոընչեն ամբուռք մարտագոռ,
Ազգք ընդ ազինս մըրցին 'դ միմեանս ի կոտոր.

Ի թունդ, ի բոմբ, ի զանգ, ի շոինդ բարկանայթ
 Դղրդի երկիր, գոչեն երկինք լուսացայտ:
 Խամրին ծաղկունք դիտապաստ
 Կոծեալ մարդոյն ի կական.
 Օ՛ն անտեաց բարեբաստ
 Լիջիք բանբերք լարունեան:



Խաղաղութեան ո՛վ Ռահվիրայք Նորբնտիր,
 Ի Զեզ դէտակն Երկիրս Հայոց յուսալիր.
 Ի Զէնջ՝ աչկունք յարտօսր ի ջերմ, սրգազգած
 Հայցեսցեն զքաղցր ըսպեղանի խոր վիրաց:
 Շըրթունքդ ուրախ, արդ, հրարուն
 Տացեն զսիւզ քաղցր ի բարբառ,
 Իբր ըզմաքուր ցօղ փաղփուն
 Յումպ ամոքիչ զովարար:



Այլ որ պաշտէք զլէն յերկնաւոր հարսանիս
 Արդեանցդ ի վարձ յանանց ի փառս, Հա՛րք Ուխտիս,
 Տո՛ւք նորածիլ ոստոցըս կեալ միշտ ամբիծ
 Ի բարունակ ամեթ, ի շուք վեհ երկնից:
 Ի Զեզ, Եղբարք, սուրբ հոսանք՝
 Անճառ զանձուցն ի տարափ.
 Ընդ Զեզ ոսկեայ պերճ ղրասանգ
 Յեռեալ յականս ջինջ, անխար:



Թե՛ նդ պերճ դրօշու գործեսլիք Տեառն ի յայգուշ
 Յաւէտաքանչ ի հունձ ու արդեանց ի բողբոջ՝
 Յաւերժացի՛ն գործք ձեր յերկինս արփաճեմ
 Վեհ ճակատուցդ հիւսել պըսակ սուրբ, վըսեմ:
 Դէտակն ի Զեզ Հարք մեր աստ
 Եւ Գերաշնորհ Տէր Սարտի*.
 Աստ սիրտք ի խինդ ընդ ձեր բաստ
 Ընդ Արհի Պետ մերս Ուխտի:

Հ. ՂԵՒՈՆԻ ՏԱՅԵԱՆ

Ս. Ղազար յ 8 Մեպտի 1916

* Որ առաջիկայ գտաւ Արարողութեան Քառանկալեան Օձման և ապա մասնակից
 Խնճոյից՝ ի պատիւ Սժէլոցն: